

去從此清標鎮海山

贈卜者

推窮天理甚分明特與時人決困程解察陰陽時否泰能通日月數虧盈順行九曜災難及復變三陽禍不侵莫待無常天限至和賢盡總落深坑

商河縣會眾求教

商河真遇自迴光步步玄風貫故鄉雲路交參天浩渺陰魔消散性昭彰清音歷歷驚山鬼靈曜團團滿玉堂一旦出離塵世外蓬萊永永得清涼

都下張鎮國問修真

道藏輯要

雲光集

酉

胃集九  
川川上

靈明納在性懷中固蒂深根謹用功有寶莫令他物盜無心且與世塵同包藏微密真如顯補惜精華法海空瑞跡仙蹤無斷絕了然直赴大羅宮

北青州船戶張長者有問

一棹空舟越世間飄飄雲路列仙班運持靈秀攢金鼎把握陰陽轉玉環永出洪波離愛海就揮利劍劈恩山蓬壺闔苑仙遊處一念心灰盡可攀

贈門人南呂哥

曠劫根源子細搜須知此箇好因由千祥丹谷收真彩萬派銀霞注逆流金木河車搬鳳髓癸丁鑿竈鍊霜毬周天數足神丹

結五色威光簇十洲

泗州任哥問性命事大

圓融性命不為難孽盡光生道往還定息綿綿通正理安神默  
默鎖玄關收藏真秀丹須結打破虛空性自閑一顆靈光超造  
化雲車搬載玉京山

贈蒲臺縣徐上押

念身四大足虛浮藉假修真別有由至道希微無斷滅元神脫  
灑不淹留温温鉛鼎金光綻寂寂靈宮玉焰收有箇主人當面  
立相逢拍手笑無休

示門人

道藏輯要

雲光集

五

胃集九

虛无清淨立金壇撥剔輪迴生死關情性調和如止水氣神交  
結若回環靈珠燦燦騰雲外鶴駕飄飄出世間直到大羅天界  
上恁時歸正好容顏

寄萊陽長澗孫四翁

書寄賢明孫四翁微微鍛鍊我家風澄澄察察身心淨冷冷清  
清事物空細細綿綿還大孝惺惺了了返雲宮願公齊力弘真  
教普化人人悟正宗

登州會眾遊聖水贈之

法眷知音任往還雲遊聖水涉羣山暫離百結塵埃網時叩重  
玄秘密關性上發生真智慧壺中認得古容顏全身放下無諸